

生日 江秀鳳（四縣腔）

學校先生講，生日個時節，愛帶雞卵糕抑係餅仔，或者禮物同全班分享，吾這班有 28 個人，連先生總共 29 儕，逐擺生日會到個時節，盡愁慮個係吾姆，毋知愛準備麼個分厝帶去學校。

今年阿姆公司較無閒，盡尾佢決定花錢買幾下盒大披薩膠幾罐仔大可樂，請披薩店送過來，大家看著當歡喜，這係盡受歡迎個等路，先生喊同學唱生日快樂歌，唱一遍華語個，過來唱 Holo 個，續等唱英文個，還有越南，印尼，泰國個，大家唱忒個時節，厝擎手同先生講：「厝係客家人，厝愛教大家唱客話個。」先生分厝企上講台，教大家客話「生日快樂」個發音，厝就大大方方拿起粉筆，在粉牌打橫寫吾名仔，還有生日快樂，再過在漢字頂頂寫客語拼音，教大家唸拼音，教會仔正開始唱，先生阿謔厝恁慶，恁會教，因爭厝有選修學校個客語課，吾客語先生逐禮拜就會準備靚靚個明信片，喊厝兜抄粉牌頂相借問個話同拼音，這張明信片當靚，轉去愛教歸屋下人讀，讀過個人做盡愛簽名，故所吾屋下人都會講客話。

同學等客話生日快樂唱忒，大家七手八腳圍圍擎來拿自家好食個口味，厝乜拿出阿姆膠厝準備個紙杯仔，大家食忒該央時，同學送厝當多禮物同卡片，厝乜當暢。

毋過學校有規定，自家帶來個地坵做毋得留到學校，下課個時節，厝就當辛苦，愛膠膨膨鬆鬆個披薩盒仔，還有恁大隻個可樂罐仔帶轉去，歸下晝為著地坵個事情，無法度專心上課。

好得放學個時節，平時盡好欺負厝個阿胖牯膠阿豐牯，同厝共下拿轉去吾屋下，無想著平時對厝毋好個人，在厝有困難個時節，續會膠厝 ten 手，正經係「天轉笠嫲花」，想就想毋著，佢兩儕人乜有恁好個時節，這件事情分厝學著，毋好看人毋起，朋友像把鋸，你有來厝就有去。

厝生日，係阿姆個肚痛日，係無阿姆恁辛苦擱十月個大肚，辛辛苦苦降厝，一點血一點乳膠厝惜大，哪會有今晡日個厝，故所厝有偷偷仔買雞卵糕，園到冰箱肚，等食飽夜正拿出來請阿姆切雞卵糕，承蒙阿姆降厝惜厝，分歸屋下人淦淦個愛。

2018.4.25 在台中 55 路公車頂